



**Petiziun dal 4. Parlament grischun da mattas per mauns da la
Regenza e dal Cussegl grond dal chantun Grischun davart il
tema da la midada dal clima**

Titel: Per in traffic public attractiv ed ecologic

Proposta:

Per render pli attractiv e pli ecologic il traffic public en il chantun Grischun vegnan fatgas las suandantas pretensiuns:

1. Amplifitgar la rait dal traffic public cun dapli colliaziuns sur ils cunfins chantunals or en il centers da la Svizra e da l'exteriur sco er meglierar las colliaziuns tranter ils vitgs ed ils centers entaifer il chantun per il traffic pendular quotidian, tranter auter er concepir ina rait da fermadas pli spessa e pli flexibla.
2. Midar sin vehichels ch'èn adattads al basegn concret (tenor las uras dal di e tenor il dumber d'utilisadras ed utilisaders), che funcziunan cun energia regenerabla.
3. Stgaffir impuls finansials per midar dal traffic individual al traffic public.
4. Las purschidas ston vegnir rendidas attractivas en spezial per las scolaras ed ils scolars e messas a disposiziun er durant la stagiun bassa.

Motivaziun:

Ozendi viagian bleras persunas cun lur auto sulettas tras il chantun, quai che chaschuna nunnecessariamain bleras emissiuns da CO₂. Il traffic public sco alternativa è memia pauc attractiv. Er la giuventetgna dovra bunas colliaziuns dal traffic public per ch'i saja interessant per ella d'abitar en la periferia. E sco chantun turistic che accentuescha la persistenza, duai esser interessant er per ils giasts d'arrivar e da sa mover al lieu cun il traffic public. D'in traffic public attractiv e favuraivel al clima profitan tuttas e tuts ed el gida decisivamain a reducir l'emissiun da CO₂.